

十朝东华录

雍正朝第四函

函六册

雍正十年壬子春正月辛巳封順承親王錫保子熙良爲世子○壬午命鄂爾泰爲保和殿大學士兼兵部尚書由雲貴總督調○癸未甯遠大將軍岳鍾琪奏臣因入冬以來積雪甚深嚴飭卡倫之弁兵止令登城瞭望不許分遣遠哨詎料駐防鏡兒泉副將馬順不遵軍令陽奉陰違擅遣弁兵遠出巡哨致城北山內兵丁突遇賊夷被傷一名衝失一名副將馬順隨遣遊擊楊玉守備張嵩先後帶兵追趕賊夷遠遁其違令之副將馬順理合參奏得旨鏡兒泉卡倫離軍營不及百里賊兵不少賊來即致傷失兵丁一任遠遁岳鍾琪是何防範且安設卡倫原爲巡探如雪霧黑夜尤宜加意若止令登城瞭望不許分遣遠哨以爲恐有疏防是必將待賊臨城而後防矣是何軍令岳鍾琪不知自咎僅以副將陽奉陰違爲詞朕實不解將岳鍾琪與該副將等交部嚴察議奏○乙酉禮部題 孝敬皇后冊諡禮部請照例遣官教諭朝鮮國王得旨上年十一月已計告該國王今因冊諡禮成又遣官員前往恐外藩不無迎送供應之煩此次不必命使備部照頒示各書之例一體行文朝鮮將朕此旨傳諭該國王知之○丁亥諭理藩院厄魯特郡王額駙阿寶之子公衮布在西路軍前甚屬效力著加恩封爲固山貝子○裁雲南賓川州賓居巡檢添設景東府猛統巡檢一○戊子諭內閣廣東總督郝玉麟病痊著仍回原任辦事○改江西撫標中軍遊擊缺爲參將武甯鉛山瑞州撫州廣昌鄱湖興國文英永鎮橫岡羊角禾豐樟樹南康南湖等營及南昌贛州城守營守備俱爲都司僉書○改直隸張家口協標左右二營遊擊河間通州大名石匣三屯山禾禾等協中軍守備懷安城西城赤城滴水巖懷來城靖安堡長安嶺樂亭三河采育豐潤張灣寶坻廣平順總壯勝忠順王家坪曹家路雲城潘家口燕河路懷柔城新雄易水白石口沿河口河屯等營守備及正定府龍固營大名協右營守備各缺俱爲都司僉書

二月己丑湖廣廣東香山縣黃梁都巡檢一○庚寅諭內閣我朝撫有方夏 列聖相承惟以愛養黎元爲本 聖祖仁皇帝臨御六十餘年恩施累洽於九州蠲賑動逾乎千萬深仁厚澤浹髓淪肌朕登大寶仰體 皇考仁愛之聖心勤恤閭閻疾苦之民隱宵旰孜孜凡可以厚民生布膏澤者至周且渥歷年以來蠲免賑恤疊沛頒施海內亦既共知而共見矣惟是任土作貢者治世之常經勸善懲惡者馭民之大法禹貢以三壤成賦周官以九式經邦國家經費皆取給於正供聖人恤民之心無窮而取民有制亦不能頻施逾格之恩以絀國用也至於遊民惰農王政所禁奸胥墨吏國法不容使蠲租免賦而奸黠頑惰之屬皆得濫沐恩膏良善急公者轉未能均霑惠澤又豈爲政之道哉朕以爲蠲除歷年之通賦而使頑戶偏蒙其澤不若減免新歲之額徵而使眾民普受其惠數年來晚諭中外善屢矣是以清查帶徵錢糧如直隸河南山東山西浙江等省民間完納者最多朕皆特沛殊恩於該省豐稔之年將額徵正賦蠲免四十萬兩無非欲將帶徵完納之數仍散於良善之氓使比戶均被恩施並未收之府庫此亦天下所共知共見者江南蘇松等處貲賦甲於天下而歷年積欠亦較他省爲最多朕既豁免康熙五十年以前之未完者其五十一年以後

應徵之項復寬限十年十五年帶徵以紓民力又思此等通賦實在民欠者固多而官吏侵蝕者正復不少特遣大臣官員等會同撫藩及地方有司逐一徹底清查分晰官侵吏蝕民欠三項以除累弊又恐承命之員以徵納清釐致滋紛擾悉將帶徵各項停其輪納嚴諭各員實力奉行務使分晰清明毫無疑竇今據侍郎彭維新巡撫尹繼善等奏報清查告竣自康熙五十一年起至雍正四年通計各屬積欠共一千一百一十一萬六千三百零二兩零其中侵蝕包攬者共四百七十二萬六千三百零二兩零實在民欠者五百三十九萬零俱覈對明白無有涸涸因江蘇通賦積弊叢生籌畫多年而為此清查之舉所以經國計清吏治實欲厚民生而除民累也苟有益於羣黎百姓朕即樂沛浩蕩之恩況朕敬承 皇考寬賦恤民之流慈於蘇松額徵浮糧豁免四十五萬積歲計之其數何啻幾千百萬豈於區區之積逋有所靳惜哉但念官役之侵蝕奸徒之包攬蠹國害民固為法所不宥而民欠累聚亦皆抗玩疲頑之習日積月累以至於斯也今欲舉行豁免不惟墨吏奸胥罔知懲戒且積欠欠糧之頑戶無不露恩被澤自以為得計而急公之善民不與焉洵非阜民善俗之道也則與其蠲除歷年之逋賦孰若免新歲之額徵為大有益於斯民乎再四審酌欲將軍蝕包攬之項分作十年帶徵實在民欠之項更加寬緩分作二十年帶徵嗣後從壬子年為始本年帶徵之項完納若干朕即照所完之數蠲免次年額徵之糧若干若官吏百姓等果知悔過急公於每年帶徵額數外多完若干朕即將次年錢糧照多完之數豁免如此則朕之清釐積欠並無絲毫入官實皆沛為萬民普被之澤而貪墨奸蠹之徒無所倣倖抗玩疲頑之習知所儆惕庶幾吏治肅清而民風醇厚共成比戶可封之俗矣著該督撫督率地方官實心奉行其官吏侵蝕之項務於本人名下著追毋得株連以滋擾累其民欠之項俱按各戶花名完納毋得波及兄弟親戚致令遽役借端苛索儻有奉行不善生事擾民者該督撫即行題參嚴加議處至侵蝕錢糧之官吏皆應加重罪之人第歷年既久人數繁多不忍驟行執法治罪著施恩法外寬為分年帶徵若廢員中有能悔過自新不拘年限先行完納者應分別准其開復以示獎勵其依限完納者寬免其罪胥吏中有先期及依限完納者亦酌量加恩寬免其罪○吏部議准廣西巡撫金鉷奏歸順土知州岑佐祚緣事革職查無應襲之人請改土為流設知州二吏目一駐紮州城舊設州同移駐舊州地方把總移駐隴邦村其頻崗屯隘上旬榮勞四邦各隘酌設百隊土兵以資防守從之○改廣東撫標中軍遊擊為參將○辛卯諭內閣我朝從前文武大臣持躬正直奉職公忠樹績建勳完名全節者朕已降旨於京師賢良祠永遠展祀以彰令範因思外任大臣鎮撫封疆宣猷布化忠勇效命威以宜民其政績卓然可紀者若於身故之後建立賢良祠俾得永膺祀典誠足慰兵民盡好之公亦足為後來居官者之勸如近日之將軍蔡良提督張雲總兵蘇大有魏肅國皆素有賢聲勤勞王事而歿於官者允宜在賢良之例著直省各於省會之地建立祠宇其與祀之人即從近年為始向後凡有應請入祠者該地方官撫於一人各具一本請旨不必奏○召沈延正來京以王朝恩為直隸河道總督由部議左○王辰以塔林為吏部右侍郎開學士還○調孫嘉淦為刑部右侍郎以陳樹萱為工部左侍郎由大理寺○辦理哈密事務員外郎永恆等奏正月二十二日準

喇嘛賊突犯哈密貝子額敏擒獲賊人蒙克捷供領兵賊人係色布騰策等那木扎爾等由烏魯木齊遣兵六千來攻哈密臣等畫
夜守城相機剿賊報聞○癸巳戶部議准升任雲貴廣西總督鄂爾泰奏黔省遵義府屬之正安州見在州治地僻人稀並無城郭
其土坪舊治地勢寬闊編氓亦眾請將正安州治移駐土坪又綏陽縣旺草里雜縣遠接壤土坪請將旺草里改歸正安州轄從
之○乙未以性桂署刑部尚書魏廷珍爲漕運總督由漕部○丙申以直隸山東河南山西陝西五省少雪命督撫清理刑獄○轉
果佛保爲理藩院左侍郎實授納延泰理藩院右侍郎○丁酉甯遠大將軍岳鍾琪奏據辦理哈密事務員外郎永恆查斯海副將
焦景滋貝子額敏呈稱正月二十二日準噶爾賊兵逼近哈密登城瞭望約三千餘人臣查哈密地方有副將焦景滋帶領官兵一
千五百名駐防又參將韓良弼帶領山西綠旗兵八百名駐紮城內足資固守但賊人既已侵逼哈密自應遣兵截殺臣遣總兵官
曹勦等帶兵五千里夜由回落免大坂五堡地方截其後直至哈密應援總兵官張豹帶兵二千名由閩合圍截赴哈密接應又據
永恆等報稱二十三日城池左近賊兵甚少其大隊俱往南湖黃蘆岡向東北沿山一帶前赴塔爾那沁等語臣查塔爾那沁地方
有提督顏清如帶兵四千名駐紮城內可以固守又令總兵曹勦等於黃蘆岡一帶相度地勢據其要隘相機掩殺臣更慮賊人或
由毛孩圖爾庫爾等路竄入北山逃遁歸巢查北山正西及西北兩路有巴漢恩度爾插漢專津二處俱係賊人必由之路臣更
派副將軍石雲倬帶領原任兵部尚書馬會伯率綠旗兵三千二百名前赴巴漢恩度爾一路埋伏署鎮安將軍卓爾琿帶領前鋒統
領宗室哈爾吉副都統僧保張正文等率驍勇官兵暨入旗滿兵共三千八百名前赴插漢專津一路埋伏副將軍常賚帶領都統
貝敦總兵官張存孝率滿漢兵三千二百名前赴無克克嶺地方截殺臣率軍營兵馬見在豫備接應報聞○戊戌大學士鄂爾泰
奏古州丹江等處開闢苗疆一皆懷遵 聖訓宣布仁威將士用命非臣之能況數年以來疊受殊恩異數臣自問百無酬一伏乞
皇上俯鑒愚忱准免議敘得旨覽奏情詞懇切具見誠懼卿忠勇著使苗梗向風不但綏靖苗疆之功績爲人所難能而仔肩
重任之公誠亦大臣中所罕有國家酬庸實功關繫鉅典非卿可以己意遜讓亦非朕可以私心增減者仍遵前自行○己亥兵部
遵旨議奏升任雲貴廣西總督鄂爾泰貴州巡撫張廣泗辦理苗疆剿撫尤協鄂爾泰應給與一等阿達哈哈番查鄂爾泰係三
等阿思哈尼哈番應併爲一等精奇尼哈番張廣泗應給與拜他喇布勒哈番得旨大學士鄂爾泰節制雲貴廣西三省歷有歲年
於所屬苗疆無不悉心經理使蠻夷等慕義嚮風咸登樂土至於古州等處生苗自昔未經王化鄂爾泰巡撫調度剿撫兼施俾苗
人懷德畏威并誠內嚮疆圉開拓邊境軍需數年以來之功績實非尋常平定苗疆剿除寇賊者可比鄂爾泰著授一等伯爵世襲
罔替用獎殊勲餘依議 旨 甯遠大將軍岳鍾琪奏據駐紮塔爾那沁提督顏清如陸續報稱正月二十二日準噶爾賊人占據天生
圈山口遣參將米彪帶兵六百名前赴三道大板防範馬廠隨即督兵守城自辰至酉賊人始退西北山下二十四日米彪領兵行
至白陽溝一帶與賊對敵賊人退敗隨遣副將陳經綸帶領官兵一千五百名出城禦敵賊人由西南原路而逃陳經綸領兵追逐

沿邊提剿等語臣查賊人李聚長驅深入塔爾沁一帶原圖擄掠牲畜今軍營所留馬匹盡頭俱在山西四道溝畢留大坂內收放官兵防護嚴密牲畜並無傷損報聞○庚子諭內閣國家典禮首重祭祀每當齋戒日期必檢束身心竭誠致敬不稍放逸始可以嚴昭事而格神明朕每遇齋戒之日至誠至敬不但殿廷供設銅人卽坐卧之次亦書齋戒牌存心儆惕須臾弗忘至內外大小官員雖設齋牌於官署但恐言動起僥之際稍有褻慢卽非致齋肅肅之義查明代祀典凡陪祀及執事之人有懸祀牌之例今酌定齋牌之式令陪祀人員佩帶心胸之間使觸目儆心恪恭罔懈並得彼此觀瞻益加省惕其於明禋大典愈昭虔潔著傳諭各部院及八旗並直省文武官員一體遵行○甯遠大將軍岳鍾琪奏臣合總兵官曹勳統領副將紀成斌率兵應援哈密於正月十七日將至二堡地方正遇賊人大隊約有五千餘人卽奮勇進擊交戰一晝夜二十八日賊眾登山抵拒曹勳等復四面奮攻爭先力戰從卯至午賊眾大潰殺傷無數奪其馬匹牛羊並救出兵丁及漢回商民數百名所餘賊兵由沙磧敗遁西逃曹勳領兵搜捕直抵二堡下營二十九日曹勳自二堡行至柳樹泉總兵官張弼協同哈密副將焦景茲塔爾沁副將陳經綸等與曹勳合兵一處乘夜追剿臣思賊人腹背受敵縱有殘寇免脫勢必逃至無克克嶺臣隨知會副將軍石雲傳常著署鎮安將軍卓爾等派遣滿漢兵丁六千名於無克克嶺南山口之梯子泉一帶截殺仍著總兵官曹勳將所領官兵在沙磧泉駐紮以張聲勢所有大捷緣由理合繕摺奏報得旨大將軍岳鍾琪奏報各路撥派官兵進剿堵截及總兵官曹勳等擊敗賊人之信調度有方運籌亦備官兵弁丁奮勇效力擊敗賊眾朕心嘉慰惟是曹勳領兵一路正當賊鋒其所帶兵丁稍覺單弱而勇健將弁亦覺尙少再賊人若由無克克嶺逃遁則有常資石雲傳等堵擊殺殺假若敗殘餘賊由沙磧而遁必由齊克塔木經過吐魯番之官兵早能得信與回民併力近擊豈不更善又穆壘駐兵一事朕已降旨與岳鍾琪令其計議舉行則吐魯番回民遷移之事可以緩商至穆壘築城若事在必行以速爲善今賊夷受創而去乘機動工更覺順便並令岳鍾琪速議奏聞○癸卯大學士等議覆直隸古北口提督路振揚等奏直隸獨石口參將請改爲副將增都司一千總二把總三馬營堡把總改爲千總再添撥千總一龍門路城都司改爲遊擊趙州堡把總改爲守備護家口路屬柴溝堡增參將一把總一其應添兵丁請於宣化鎮兵內抽出四百三十名再召募四百名以敷防守至於山西沿邊各營路將領應行增添新平路助馬路俱增千總把總各一將軍會堡增千總一馬市水口改原設外委把總爲千總平魯路增把總二得勝路增把總二鎮宏堡鎮選堡宏賜堡鎮充堡拒門堡保安堡鐵山堡威虎堡迎恩堡焦尾城增把總各一其應添兵丁俱於大同鎮殺虎協朔平城守營內抽撥足額無庸另募所有直隸山西一帶邊牆俱無庸修築其坍塌各口應用木柵鹿柵堵塞從之○丙午大學士等議奏陳泰世愛國恩身爲參贊傅爾丹統兵進剿之時特授伊兵二千令在科布多河岸駐紮以備賊兵乃陳泰一聞宋倫逃兵訛言卽畏葸不前領兵回向扎布韓後傳爾丹屢次催調陳泰惟事推諉又不卽赴科布多殊干法紀應照律擬斬秋後處決行文軍營令將陳泰解送來京交刑部監候得旨陳泰之罪斷無可赦著照擬處斬卽在軍營監禁至秋

每時擬為情實具奏候命下之日再行正法○丁未李蘭綵事降調以王紘為江西布政使孫詔為安徽按察使由浙江補○姜穎

新患病解任以賣啟瑛為直隸按察使由光祿寺少卿遷○戊申裁山西吳城青城二驛驛丞各一○辛亥甯遠大將軍岳鍾琪奏準噶爾

賊由五堡之南沿沙磧敗遁若尋有水草路必繞至無克克嶺一路西竄臣前派副將軍常書石雲倬所領之官兵六千餘名俱於

正月二十九日午未時已齊至無克克嶺臣與副將軍常書石雲倬等會同剿辦官兵一到無克克嶺略為歇息即令石雲倬挑帶四五千名先赴梯

子泉一路截殺署鎮安將軍卓鼐帶滿兵三千名接應其餘官兵令常書帶領守截無克克嶺山口三十日午後賊人適在山口二

十里屯住石雲倬等如即遣發官兵乘夜潛襲滅此自不待朝食詎料初一日初二等日查無捷音至初三日始據卓鼐稱初一日

賊兵業已逃竄初二日即遣驍勇兵近接遠捕賊人從陶賴大坂之西越向納庫山遁歸臣思將軍三員帶兵萬餘觀望不前以致

賊人驚覺遠颺深為駭異及副將軍等陸續撤兵回營詢其情節據常書卓鼐同稱三十日午後見有賊人屯住山口石雲倬總不

發兵直至戌時始派兵一千五百名令總兵官張存孝帶領在山下等候又數次遣人攔阻不許前進石雲倬安設帳房初一日天

明始領兵東行十餘里隨即安營造飯煎茶纔轉西而行張存孝至賊人屯住之處餘火未息報稱賊人竄遁不遠請其速行前進

追剿石雲倬又傳令撤兵不許追襲臣以梯子泉一帶實通賊歸巢之要路又慮無克克嶺之西南尚有塔庫納一路亦係賊人歸

途務須派兵堵截查有涼州右營外委烏得玉乃熟識塔庫納庫道路之人令其馳赴行營聽候發兵領路不料石雲倬大怒以馬

得玉為多事欲行責治並不發兵邀截賊人果由塔庫納庫一路逃歸坐失機會石雲倬乖戾憤事臣實難代為隱諱不得不據實

奏聞得旨辦理軍機大臣嚴密議奏尋議石雲倬應革職交與岳鍾琪同常書卓鼐等詢明確供解京按律究擬從之○壬子諭大

學士等據大將軍岳鍾琪奏報賊人從塔庫納庫一路遁逃並撤兵回營各情由此大賊乘狂肆行亂深入重地投身羅網乃自速

滅亡也我師既以逸待勞且我眾彼寡但能申明軍紀要截擊殺並不必奇謀異算斷不至冤脫狼奔今乃坐失機會不但不能屠

剿且使賊人由坦途而遁此實朕與廷臣意料所不及者其領兵之石雲倬已降旨治罪至岳鍾琪奏諸軍旅本非庸材緣懷游移

之見致乖戰守之宜前車之鑒非止一端嗣後當深悟前非痛自省惕先事綢繆臨事堅定壹號令以振軍聲示威信以齊眾志庶

可以奏膚功而收後效朕猶深望之○癸丑諭大學士等前議三四月間穆壘築城駐兵一事已降旨大將軍岳鍾琪令其酌量辦

理今再四思維以數萬官兵移駐穆壘春間馬駝既恐膳力不足且時日稍覺忙迫未必事事皆能就緒不若遲至六月夏秋之交

將諸事豫行慎密辦妥大兵進發一舉可成將來豫備兵丁之時須出其不意速完城工則戰守皆易矣穆壘駐兵之舉既緩則吐

魯番之兵糧當急為籌畫吐魯番既有官兵二千名若再加三千名則軍勢益壯不但可以保護回民即將來未稼在野之時賊人

前來踐踏我師台回眾擒剿之亦易為力此時發兵三千前往就便可以將來糧運送或由沙磧小路零星運往亦可儻僥哈密之

人運送而令吐魯番之人接應皆照數給與腳價著岳鍾琪悉心妥議辦理○諭西路副將軍石雲倬已革職議罪朕欲於各省督

撫提鎮中簡用一人前往軍營協辦軍務貴州巡撫張廣泗才幹優長實心任事數年以來苗地用兵該撫親歷戎行深諳軍務著卽馳驛來京面請訓旨前往軍營爲副將軍賞藩庫銀一萬兩製辦行裝貴州巡撫印務著廣西布政使元展成前往署理廣西布政使印務著廣西按察使張鉞署理廣西按察使印務著廣西慶遠府知府徐嘉賓署理○命劉世明往西路參贊軍務以郝玉麟署福建總督鄂爾達署廣東總督楊永斌署廣東巡撫甘汝來署廣東布政使

三月己未裁雲南磨者井烏得井鹽大使添設白石谷井復隆井鹽大使二改琅鹽井吏目爲大使○癸亥 上親耕耜田○甲子

以常資爲內大臣仍留軍營托時爲刑部右侍郎

城墮之神每歲春秋展祀以崇報享典至重也從前初建之時有司或視爲具文規制未必周備及歷年既久漸有傾圯之處又未

必及時修葺是以僻遠之郡縣規模簡陋禮儀草率者往往有之甚非肅將禮祀之本意也著禮部查照定例行文各該督撫轉飭

府州縣敬謹如式修理以重祀典仍令造冊報部每遇該管官員升遷事故俱照先農壇忠孝節義祠例入交盤項內查明接受則

有司自顧考成經理益加虔恪矣○添設山西平定州甘桃鋪驛丞一○丙寅改陝西慶陽靖邊西鳳潼關波羅神木定邊漢中永

昌中衛花馬池河州洮岷永固等協中軍守備及沙州協左右營鳳翔城守營邠州營蓋屋營富平營金鎮關營七里關營綏德營

邠州營文縣營礮堡營水堡懷遠堡常樂堡雙山堡建安堡高家堡鎮羌堡安邊堡鎮靖堡新城堡張義堡蔡旗堡安遠堡三眼

井堡橫城堡威遠營清水堡梨園堡馬營墩堡口堡孤山堡大壩堡保安堡歸德堡黃墩堡踏實堡赤金營柳溝營岔口營岷州

營舊洮堡西固堡南川營守備俱爲都司僉書○戊辰甯遠大將軍岳鍾琪奏據擒獲準噶爾賊巴顏等供領兵來犯哈密係台吉

色布騰及小策零敦多卜之子策零那木扎爾等噶爾丹策零去年九月內調兵六千名在烏魯木齊地方會齊至奇台附近處過

冬今年正月十二日由奇台起程於二十日夜過無阿克嶺前赴哈密其侵犯阿爾泰之兵去年十一月間小策零敦多卜回至哈

喇沙爾大策零敦多卜回至塔爾巴哈台留小策零敦多卜之子曼濟在撥東濟地方過冬今因哈薩克兵擄掠準噶爾七百餘戶

噶爾丹策零已將曼濟撤回欲往哈薩克地方發兵報聞○改江南安康撫標中軍遊擊蘇州城守營遊擊高春協安慶協河標營

滿標京口將軍標等中軍守備缺及廬州亳州溧陽平望泰興掘港楊舍孟河黃浦柘林青村南匯東海蕭營小關子劄子港等營

守備俱爲都司僉書○丑大學士等奏據督遠大將軍岳鍾琪奏報賊人敗遁及臺站牧廠情形語摺情詞互異前後舛謬岳

鍾琪以無阿克嶺爲賊遁歸必由之路其梯子泉地方恐賊鋌而走險之道則當派撥兵丁時卽應指定兩處酌遣官兵邀截而必

俟已至無阿克嶺始令往梯子泉並合石雲傳等略爲歇息是賊人之得從塔庫納庫潛逃而歸者雖石雲傳之罪而岳鍾琪亦難

辭咎也又前奏塔爾巴沁各廠看守其嚴賊人一無所得後又奏報失去牲畜並各廠弁兵亦有損傷且云截殺賊人收回率馬所

得足償所失視然不以爲恥殊非大臣奏對之體又無阿克嶺離軍營僅九十里賊兵過嶺而軍營茫然不知所設坐卡兵丁此時

何在且鏡兒泉接濟察罕哈麻爾復設三天卡倫專爲探信而設乃一無聞見則平日所云傳遞號礮頃刻可至者尙足恃乎當草枯馬瘦之時賊以五六千人入我卡倫越過軍營直至塔爾沁我兵二萬餘眾周圍密布既任其來復任其去賊並不奔沙磧竟由小路而去似此玩忽縱賊奏報不實深負 聖恩有玷倚任請將岳鍾琪數部嚴加議處得旨該部嚴察議奏○戊寅諭內閣向因武員養廉不敷以致扣剋兵餉是以酌定親丁名糧以爲養贍家口之費又因營伍公用無資定有額兵百名准抽二名之例似此曲加體恤無非施恩於弁員使應有之兵數再無虛冒以收戎行之實效也近聞各省中尙有數處不能全除空糧之弊或於親丁名糧之外仍有家人長隨頂名支領者又有字識匠作之輩賄求濫充而勇力之人轉不得入選尋遇調撥差用則委靡退縮不耐勞苦前歲湖廣提標曾以兵丁二百名調補鎮寧四營其中逃避者卽已過半又加援剿黔苗時提標兵丁往來鎮寧六里等處跋前疐後行役維艱國家歲費帑金養一兵期獲一兵之用若實存之名數既有空虛而在伍之兵丁又復怯懦不振則所謂武備修明者安在乎著該管大臣用心稽查勤加訓練務將陋規永革諸弊悉除毋得溺於積習苟且因循負朕委用儻屢經訓飭之後有不知悛改者定加嚴譴○兵部議准升任雲貴廣西總督鄂爾泰奏黔楚交界之生苗久居化外今銅仁所屬坡東坡西向化歸誠者一百五十一寨均宜設協安營移兵駐紮請於銅仁協添兵八百名大定協添兵五百名遵義協添兵一百八十八名鎮遠營添兵一百名令原設將弁帶領分防松桃水城等處裁去施南營參將一留守備一與所轄之石阡營俱歸鎮遠營轄移正大營同知駐紮松桃大定府通判駐紮水城從之○己卯封喀喇沁塔布囊厄爾德尼爲輔國公○庚辰裁雲南曲靖府通判增元江府通判一駐他郎南安州州判一駐臨嘉姚州州判一駐普湖改臨安府原轄之新平縣歸元江府轄普洱鎮原轄之元江營歸臨安鎮轄其元普沅威鎮改爲普洱沅威鎮臨安鎮改爲臨元江鎮移元江營守備駐他郎○丁亥諭辦理軍機大臣等朕覽大將軍岳鍾琪陸續奏摺知官兵騎赴軍營之馬及塔爾沁等處收放之馬有沿途疲瘦倒斃者有傳染時疫者有被賊人劫奪者見今存贖馬匹寥寥無幾夫以多年購買豫備之馬匹而棄之有如草芥其咎將確歸乎又據岳鍾琪奏稱穆墨駐兵侯所謁駝馬到營之日卽速起程等語口內解送之馬遠涉長途不合休息卽欲驅使前赴穆墨其力實有不能目今口內駝馬陸續解送軍營賊人探知必又生窺伺之念且將來移駐穆墨之後所有駝馬牲畜甚多如何牧放布置以防偷盜岳鍾琪須悉心籌算思慮豫防毋得仍蹈前轍再者朕聞軍營中自大將軍以至將弁皆用兵丁之力伐木取土蓋造房屋兵丁等雖勉供使令而退有怨言夫兵丁身列戎行枕戈荷戟冒敵衝鋒是其職業至於興作力役非其事也是以從前築城時凡兵丁之情願傭工者朕皆照數給與工價而不忍輕用其力將弁欲蓋造房舍自當捐己貲以雇夫役豈可圖一身之便安而不恤兵丁之勞苦使伊等操練辦公之外復竭蹶以供其私役乎從來爲將帥者與士卒同甘苦然後可以得其歡心而鼓其銳氣今軍營之行事如此豈不與古人領兵之道相左乎將來移駐穆墨時備有復蹈前轍者經朕訪聞必嚴加治罪○是月免山東濱州新城等八州縣雍正九年水災額賦有差

仍留總督職銜護大將軍印務贓罪立功○予故原任吏部右侍郎加左都御史銜王沛愷祭葬○丙午諭辦理軍機大臣等阿齊圖受朕殊恩用至大臣並不感恩報效輒將交辦事件任意推諉及至差往之處又將並未交辦之事矢口言論私出怨言沿途復向地方官勒索餽送騷擾驛站卑鄙不堪阿齊圖著革職前往博第巴爾忒忒操練兵丁之烏爾輝地方效力贖罪行走○調張大有爲禮部尚書以范時鐸爲工部尚書由部○移安徽宿州州同駐徐溪口○壬子賑永吉州被火災民○甲寅諭果親王允禮等近見圖明國兵丁氣象較前甚優圖明國之八旗及內府三旗著賞給教習人員令伊等子弟學習漢書其一切事宜著定議具奏尋議設立學舍當視營房之遠近鑲黃正黃正白鑲白四旗營房相近請設學舍一所教習二名正紅鑲紅二旗營房相近設學舍一所教習一名正藍鑲藍二旗營房隔遠內務府三旗原同一營設學舍三所教習三名其教習人員在入旗及內府生員內選取給與錢糧季米四年一換訓誨優者咨行吏部卽以筆帖式用劣者革退另行選補從之○乙卯工部議升任雲貴廣西總督鄂爾泰奏全滇水利事宜一嵩明州陽林海疏深河道水勢暢流周圍草塘均可招民開墾一宜良縣共開河五道其四道俱經引水灌田惟江頭村所開舊河地形稍高應自胡家營北接舊河另開一道以資灌溉一尋甸州尋川河中有整石四十餘丈難以開鑿應另濬沙河十五里俾得暢流一東川府城北漫海一區地本肥饒因積水棄置今開河建閘水消田出亦可招民承墾一浪穹縣羽河等處築堤四十餘丈俱補苴一時急宜委勸加修一臨安等屬應築工程暨通粵河道嵩明州河口俱請委員查勘及時興工務期深通堅固以垂永久從之○改道隸泰甯營守備爲中軍都司兼管左營○是月免直隸赤城縣雍正九年電災額賦有差

五月丁巳朔以山東濟南等府少雨命截南漕米四十萬石備糶○戊午勵廷儀病假以彭維新署刑部尚書○調徐聚倫爲河南布政使鄭禪寶爲山東布政使○辛酉以京師少雨命清理刑獄○壬戌吏部議覆山西按察使溫而遜奏江南素稱澤國河湖交通臣應任江南見丹陽至鎮江口數十里河身稍窄糧艘往來常致擠塞雖見在疏通恐數十年後復至淤淺各府州縣有兼司水利之名而無講求水利之實太湖新設同知分管水利亦未能料理妥協請於蘇松常鎮四府太倉一州五處適中之地設一道員專司河湖水利俾其巡歷上下審量情形整修器具隨宜調度庶責成專而收效速其原設太湖同知可裁從之○癸亥諭入旗都統等入旗借支公庫及廣善庫銀兩數十年來拖欠未完者尙有四十餘萬當時原因旗人每遇急需卽向人挪貸以至每年所得俸餉不足補償愈至窘乏於是特設公庫廣善庫以周其不足而伊等罔知感恩任意花費至有僞捏事端一人名下多至三四千金者國家庫帑百姓脂膏豈容恣其虛誑盜竊濫用情甚可惡是以其人雖故亦於其子孫弟姪及家下披甲人等俸祿錢糧坐扣一半俾人知祖父欠帑日後爲子孫之累庶冒領侵蝕之風可以少息但入旗官兵賴俸祿錢糧應差欠帑人數眾多儻生計艱難未免有誤公事著將入旗借欠公庫廣善庫案內人員本身已故將伊子孫等坐扣一半俸餉抵補伊祖父欠帑者開恩豁免以降旨之日爲始照舊賞給此朕格外之恩後不爲例其餘虧空侵蝕那移婪贓等項仍遵前旨分別查奏○甲子諭大學士等趙之

垣著來京張體義書給與按察使銜前往肅州與副將馬龍一同辦理運糧事務○戊辰諭辦理軍機大臣等護軍統領阿思海著授爲前鋒統領令往西路軍營管轄滿洲兵行走侍郎武格至巴爾庫爾時著給與揚武將軍印統轄巴爾庫爾滿洲兵伊禮布在參贊內行走協同武格辦事總督劉世明著授爲副將軍統轄巴爾庫爾綠旗兵與武格馬會伯商酌辦理事務○江甯織造內務府郎中許夢閣奏原任江甯織造總辦赫德已將司庫八十五筆帖式已圖借用銀兩代爲賠補應免重追得旨向來織造官員往往爲司庫筆帖式所愚弄恣意妄行侵盜國帑及至事發總特將有織造代賠置身事外積弊若此斷不可不加懲戒江甯織造總辦赫德離任時大有虧空朕時降旨令接任許夢閣徹底清查以清弊端乃許夢閣以司庫等借用之項稱爲總辦赫德已經代賠無庸重追獨不思殺赫德管理織造關稅兩項其代賠之銀即係兩項贏餘均爲國帑安得不覈實歸公而乃私取以償屬員侵盜之項乎許夢閣瞻徇情面草率完結著交與內務府嚴加議處總辦赫德著革職司庫八十五筆帖式已圖等名下虧缺之項悉從本人追出交官再議這本非大員而在外體統任意僭越至於司庫筆帖式官職尤卑乃以欽差爲名妄自尊大與督撫拜帖稱呼俱用平行禮妄誕已極嗣後著嚴行禁止儻有以片紙隻字平調地方官及不按品級規矩僭越妄行者定行從重治罪○己巳以舒喜爲禮部右侍郎由御史通○壬申兵部議准直隸河道水利總督王朝恩等奏直隸河標見在議設營制請將附近天津之務關路參將改爲河標左營中軍副將務關守備改爲中軍守備仍駐務關張灣守備改爲河標右營遊擊仍駐張灣務關舊守備改爲右營守備移駐天津其崔黃留把總一員駐防仍歸左營轄武清之蒲溝汛暨楊村蔡村務關二汛俱歸左營轄務關以北安平灤縣香河西儀四汛與張灣二汛俱歸右營轄添設隨標千總一歸左營轄把總一歸右營轄並請於左右兩營共抽兵六十名駐天津再務關原轄之寶坻一營永樂一汛距河遙遠請仍歸鎮標轄從之○甲戌諭戶部福建臺灣府彰化縣經兇番擾害之後百姓耕種未免失時該縣所有雍正八九年分未完穀六千五百餘石著悉行豁免○乙亥諭免江南吳江震澤二縣坍沒湖田額徵銀一千一百三十餘兩○增廣東南澳海防軍民同知一○吏部尚書勵廷儀故遣官食茶酒○己卯大雨○甲申諭內閣八旗辦事不諳悉條例諸事每多未協朕思各部司官多有熟悉則例識見明通者若於郎中員外等官內慎加揀選每旗添設二員助都統副都統辦理旗務似有裨益該員於本職部務仍照舊辦理都統等辦事時該員隨副都統之後本章奏摺內亦著列名著大學士會同各部堂官加意揀選務在得人若司員不敷揀選科道侍讀等官亦可選用○頒 御製重修關里 聖廟碑文墨筆收藏關里以爲世守從 行聖公孔廣泰請也

閏五月丙戌朔增陝西寶豐定遠二營守備各二把總各二○戊子免陝西甘肅甯肅各提鎮營兵借支銀一萬八千四百兩有奇○丙申設甯遠大將軍岳鍾琪奏據駐紮營各慶總兵官王廷瑞稟報賊人秦桑額爾克得松領兵千名分東西二路來犯哈喇火州城參將劉廷琰遊擊李英等分兵迎敵殺傷賊人俱皆敗走劉廷琰等領兵追剿賊人遠遁因見黑霧大風不便窮追撤兵回城

臣等仍飛飭王廷瑞晝夜嚴防時加哨探報聞○丁酉諭入旗官員人等脫旨御極以來普天幸土未嘗歧視而入旗人等九國家教養百年望其遂生復性共享安樂於久遠若其中頑劣貪鄙之習故加寬縱將爲人心風俗憂無所底止朕實不忍聽其陷溺不爲援手有負 皇考之付託也從前嚴治貪婪清釐弊項卽追呼臺擾有所不恤者誠欲入旗人等各思罪愆漸自醒悟知有所不爲庶無往不利此朕訓愛之初心也昨於雍正三年以前虧空各項令查奏酌免諱旨內業經明白曉諭今特再沛恩膏將雍正三年以後九年以前入旗官員人等應追銀兩除本身虧空侵蝕借帑及貪贓盜用等項不准查免外其有年遠之案於雍正八年恩旨以後發覺者與本身已故著落子孫追賠坐扣俸餉抵補者或本身雖在其應追之銀實係分賠代賠無著之項或因公那用並未入己者又或應追之本人已經豁免而開欠之人尙在著追或本身已經寬免而在奉旨以前報出田房人口抵補其間人口病故田房變價不敷仍行追補者著該旗將各項情由造冊開送內閣轉奏候朕酌量分別加恩寬免此次諭旨著再徧傳俾入旗人等深知朕恩恪遵朕訓洗心滌慮痛改前非循理奉公謹身節用以副朕敦育諄諫之至意○辛丑禮部議覆甯古塔將軍常德奏長白山爲發祥福地神迹顯著請於烏喇之板山望祭處蓋造享殿以肅祀典從之○裁山西代州營千總一增冷泉關營千總一改冷泉關營把總爲潞澤營把總○移廣東化州梁家沙司巡檢駐平定堡○癸卯以常有協辦戶部侍郎事訓導○甲辰恒親王允祺薨報朝三日加祭二次造墳立碑諡曰溫○宗人府以允祉病故奏聞得旨三阿哥允祉向來秉性乖張器量狹小 皇考每言其不識忠孝大義自朕卽位以來屢次加恩不知感激時爲開導不知省悟朕皆優容之近年則強悍難制漸無忌憚經諸王大臣等參奏朕不得已將伊拘禁於景山之永安亭令伊眷屬隨往供其使令並將伊子弘景封爲貝子以承其家業此朕委曲指置之苦心也近因患病醫官前往調治奈病勢沉重醫藥罔效朕心惻然一切殯葬之禮著照郡王例賞內庫銀五千兩料理喪事○己酉子故太子少傅吏部尚書勵廷儀祭葬加祭一次諡文恭○庚戌福建巡撫趙國麟奏臺灣北路大甲西番不法殘害官兵經臺灣總兵官呂瑞麟同臺灣道倪象愷帶領兵壯剿撫兼行已將舊從之模子離等社先後就撫續有鳳山縣南路奸民乘機聚眾殺傷官兵經升任陸路提督王郡親率弁兵剿追解散今南路奸匪陸續拿獲究審見在嚴緝首犯吳福生到日卽可定案其大甲西番土官率領全社男婦老幼四百十九名造冊就撫見在查訊實情究出首兇定擬仍於各社緊要之處設兵防護南北兩路安定報聞○辛亥岳爾岱因病解任以兆華署理總督倉場侍郎中書○癸丑諭內閣大學士蔣廷錫見在患病尙須調養戶部尙書事務著兵部尙書鄂爾奇左都御史彭維新署理刑部尙書事務著浙江總督李衛署理鄂爾奇尙管兵部尙書事○甲寅甘肅巡撫許容奏五月間五月間甘省各屬俱陸續得被甘霖因從前得雨稍遲豆麥有薄收之處其臨屬之蘭州鞏屬之靖遠涼屬之平番得雨最遲夏禾麥豆俱已枯槁止可補種晚禾得旨朕念甘省備辦軍需未免煩勞民力而各屬內又有收成歉薄之州縣意欲將本年甘肅各屬錢糧全行豁免以加惠秦民但諭旨到日已屆初秋開徵既久錢糧多已完納不能普徧霽恩凡得雨稍遲

之處著許容將舊欠新賦悉行停徵再與查耶阿悉心計議或將備辦軍需州縣之錢糧全行蠲免其中收成稍薄者再加賑恤其不辦軍需之州縣而收成又復照常者仍照額賦徵收著會同密議具奏○乙卯諭內務府見今天氣炎熱著海望會同署步軍統領鄂爾奇在各門設立冰湯以解行人煩渴工部所管冰塊如不敷用即將崇文門宣課司餘銀採買辦理永著為例○免湖南湘陰縣流沙地畝額賦

六月己未以阿山爲吏部右侍郎

由內閣學士遷

○癸亥諭內閣大學士鄂爾泰上年來京陛見朕以雲貴廣西三省地方緊要本欲令其

回總督之任今因西北兩路軍務尙資協贊經理其眷屬不便久住滇南著總督高其倬等將太學士家口料理進京其雲貴廣西地方緊要事宜有應知會大學士鄂爾泰者仍行知會並三省文武官員應稟報將照常稟報將此通行曉諭三省官弁知之○丙

寅以史在甲爲左副都御史

由大理寺卿遷

○丁卯護甯遠大將軍岳鍾琪奏據賊營脫歸之鄂爾多斯參領阿玉錫供稱噶爾丹策零合

小策零數多卜領兵三萬來犯北路賊兵隊內並有投降降噶爾之巴濟達錫達爾扎貝子牙海台吉毋凌協理台吉益蘇克岱青等五人引路以大隊搶掠察罕叟爾附近居住之喀爾喀等直至克爾倫地方巴濟並獻計與噶爾丹策零云喀爾喀等係懦弱之人可以肆行搶掠等語謹奏得旨巴濟等有負國恩實當誅戮伊並不以投順賊人爲恥反欲取信於賊妄稱喀爾喀懦弱易於搶掠殊屬可惡喀爾喀等一聞此語自必痛心切齒奮勇爭先矣著行文順承親王曉諭軍前喀爾喀等知之○己巳四川總督黃廷桂奏建昌鎮所轄竹核地方當涼山中爲苗疆腹心其東南一路有呷姑及魚紅地方層巒疊嶂爲諸蠻出入門戶請增遊擊一守備一千總二把總四兵五百名谷堆地方爲咽喉要道請增都司一千總一把總二兵四百名其東北一路有格落地方及營部出沒之處請增都司一千總一把總二兵四百名至於大赤口爲竹核左翼門戶且有諸夷盤踞請增參將一守備一千總二把總四兵八百名其小河壩地方所在險要請增都司一千總一把總二兵四百名又竹核西距靖遠營一百七十餘里中係諸夷巢穴請於適中之軌必鐵地方撥靖遠營守備一把總一兵一百五十名駐守再竹核去新舊營汛甚屬遠邐非建昌一鎮所能統轄請將竹核協副將改設總兵一左右二營都司改設遊擊再增中營遊擊守備各一千總二把總四兵三百名共一千五百名分爲三營以成體制其竹核迤南一帶有何都等處地名更大夷蠻愈眾俟設鎮安營之後再行次第料理得旨黃廷桂所奏竹核安兵設鎮一事關緊要朕聞川省蠻地從前雖屢次用兵然或懸賞誘致指爲投誠並未加以懲創又或兇蠻逃遁而附近良懦轉遭搶掠以致眾心不平前案未結而屢端復啟又或畏難退縮捏報撤師草率完結此次竹核安兵設鎮務須籌畫周詳布置完密俾邊圉永靖始爲有益大學士鄂爾泰熟悉彼地情形著悉心詳議具奏尋議川屬涼山一帶周圍數千里竹核適當其中形勢寬平四達蠻境各種番蠻皆反覆不常岳鍾琪前議於竹核設副將一協兵止一千二百名固屬單弱不足以資控制今黃廷桂請將竹核改協爲鎮並分設各營所議已屬周詳但名爲一鎮兵不過一千五百名且總數兵數雖有四千名而零星分布仍不足壯聲勢而鎮

番蠻據臣愚見竹核鎮營固須妥算而阿都等處應並熟籌兵力宜合不宜分疊巢宜遠不宜近但使我勢聯絡不必是處設防臣謹擬於竹核一鎮設兵三千名內開兵一千名分駐姑格落等處魚紅大赤口阿都沙馬普雄地方各設參將一營額兵各一千名互為犄角則涼山雖關蠻種雖繁而一重鎮五大營上連建昌下接昭通三鎮雄峙舊管環拱控制則指臂相牽擒剿則呼吸立至如果將弁得人似可邊圉永靖其作何安設塘汛可否抽撥弁兵伏祈 皇上敕下黃廷桂等毋專執成議亦毋以臣言為然熟商妥酌請旨定奪從之○壬申署雲貴廣西總督高其倬奏雲南普洱府屬思茅土把總刀與國勾結苦蕒蠻悖叛煽動元江夷人圍攻普洱府城又通關大寨徽夷附和苦蕒過阿黑江犯他郎地方元江營守備馬漢勛率把總慶天錫深入陣亡臣即調遣迤東迤西官兵合臨元鎮總兵官董芳總統統節制由元江景東兩路剋期進剿報聞○甲戌靖邊大將軍順承親王錫保等奏據賊營脫歸之喀爾喀根都爾錫等供稱小策魯教多卜領兵於奇林處會齊從布拉罕等處發兵一萬五千和通胡爾哈等處發兵一萬五千二路來犯阿爾泰於七月間進兵等語臣等思準噶爾賊性狡或一路而來或分路前進俱不能豫定今將特斯路豫防一萬精兵擇水草處駐紮外再將軍達爾濟所領兵丁尚未到白格爾范清燠所運之米已有三千餘石運到白格爾地方應加防守臣等見派原任提督周瑛何祥書等統領三千綠旗兵丁前赴白格爾駐紮又調副都御史阿成所領家選兵二千臣處黑龍江兵一千內扎薩克兵一千喀爾喀兵二千同駐台錫里山以三千綠旗兵為翼在白格爾深溝高壘嚴排鹿角防守糧米既可要賊之來路策應達爾濟遠來之兵亦甚有益報聞○乙亥實授索柱內閣學士○辛巳辦理軍機大臣等遵旨議奏喀爾喀扎薩克一等台吉策勒克率領四十餘人與準噶爾賊人連戰二次奮勇殺賊以致陣亡伊子孫屬下人等俱被賊人搶擄其子密什克被賊搶去十日方能脫出見在伊母處 皇上軫念策勒克等實心效力特沛恩膏賞策勒克妻銀五百兩段十匹伊屬下人等各賞銀十兩段一匹得傷者加賞銀五十兩順承親王已行文扎薩克圖汗親王策旺扎卜遵旨頒給至策勒克之一等台吉其子密什克或蒙恩加等承襲恭候 欽定得旨台吉策勒克奮勇陣亡可憫可嘉策勒克著追封輔國公令伊子密什克世襲罔替伊等家產著順承親王豐裕賞給以圖永久○壬午吏部議奏八旗都統印房筆帖式五年效力期滿調補部院者尚未議定何等品級見在俱用為無品筆帖式請照八旗左右二司筆帖式之例定為八品令其食俸庶品級均平以示鼓勵從之

雍正東華錄二十一

秋七月乙酉朔諭內閣我朝設立各省駐防兵丁原以捍衛地方申明武備其歷來所定規條俱屬盡善無可更張乃近有以一二事濫陳朕前者一則稱駐防兵丁子弟宜准其各省鄉試獨不思國家設立駐防弁兵原令其持戈荷戟備干城之選非令其攻習文墨與文人學士爭名場屋也在弁兵之子弟有能讀書向學通曉文藝者原聽其來京應試以廣伊等進取之途並未禁其從事文學也若悉准其在外考試則伊等各從其便競尚虛名而輕視武事必致騎射生疏探演怠忽將來更有何人充駐防之用乎况

我聖祖仁皇帝臨御六十一年所以教養弁兵者至周至渥如果應行早已舊爲令典又何待今日之喋喋敷陳乎一則稱駐防兵丁身故之後其骸骨應准在外瘞葬其家口應准在外居住獨不思弁兵駐防之地不過出差之所京師乃其鄉土也本身既故之後而骸骨家口不歸本鄉其事可行乎若照此行之日久將見駐防之兵皆爲漢人是國家駐防之設竟爲伊等人籍之由有是理乎以上二條皆事之必不可行者著將朕旨頒布於外俾無知之人豁然醒悟不得再行妄奏○諭工部尚書馬喇不曉部務辦理該旗事件亦多昏瞶率意著革職○實授常有戶部右侍郎○丙戌以武格爲工部尚書轉托時爲刑部左侍郎以寬和托爲刑部右侍郎中道○丁亥山東巡撫岳濬奏曹州鉅野縣民李恩家本年六月初五日牛產瑞麟鬣身牛尾偏身皆甲甲縫有紫毫玉定文頂光彩爛生實爲盛德瑞徵請詔付史館宣示中外得旨山東地方前歲被水百姓不獲甯居去夏今春兩復愆期朕遣官發粟賑恤多方幸未至流離失所即京師去夏今春晴雨亦不均調西北兩路不得已用兵征戎將士露處於外備極勞苦朕心戒懼修省但知感上天垂象示儆之恩不敢望嘉祥之誕錫今聞瑞麟產於東省實增愧悚該撫奏請詔付史館宣示中外皆屬虛文將朕朝乾夕惕對越上天之惻忱曉諭天下臣民共知之○己丑諭內閣朕師傳原任尚書顧八代子孫甚貧著加恩賞銀一萬兩○庚寅禮部議准湖北巡撫王士俊奏荊州府江陵縣爲關聖帝君盡忠授命之地家墓見在當陽今有五十二代孫歲貢生關朝泰歲時奉祀請照解州洛陽守祠之例授爲五經博士准其世襲從之○壬辰以甘肅百姓輸輓勤勞免河東河西各屬應徵錢米草束已經完納者准作來年正賦○解諸穆圖任以鄂昌爲陝西甘肅布政使由南夏○甲午增江南江甯水師守備一把總二駐江口歸江南將軍轄京口水師都司于總把總各一駐高資港歸淮陰副將轄移朱張圩千總駐大沙順江洲大港把總駐朱張圩歸鎮江營轄○乙未賜大學士鄂爾泰第宅一區○命四川省開司鼓鑄○丙申調鄂爾泰爲戶部尚書性桂爲兵部尚書以福敏署工部尚書由左都御史署○護甯遠大將軍岳鍾琪奏移駐穆壘官兵等遵旨於六月二十七日辰時分作兩路啟行臣同副將軍常寶統兵一萬二千名由關金國大路直進副將軍張廣泗同署鎮安將軍卓爾統兵七千餘名由鄂龍吉之北約洛圖一路前進兩路官兵約於關舍圖地方會合更派官兵四千餘名委副將譚定邦馮廷雄總理糧運護送車輛駝隻分爲四運而進又委總兵岳舍奇帶領湖廣官兵殿後入應行事宜統俟師抵穆壘之後次第料理報聞○丁酉命少保大學士伯鄂爾泰督巡陝甘經略軍務○戊戌諭辦理軍機大臣等西路軍營事務岳鍾琪辦理總不交協著回京其甯遠大將軍印務著署陝西總督查郎阿署理副將軍張廣泗暫行護理查郎阿年來辦理軍務事合宜克勝大將軍之任但肅州路遠未便來京請訓今特命大學士鄂爾泰馳驛前往肅州傳朕訓諭查郎阿著先期料理並賞給公用銀一萬兩陝西總督印務及所辦軍需事著直隸總督劉於義前往署理賞銀五千兩朕於訓諭對於義之處亦著大學士鄂爾泰傳旨許容范時捷俱著在肅等候查郎阿起身時著知會提督樊廷一同出口○以李衛署直隸總督程元章署浙江總督徐本署安徽巡撫鍾保署湖北布政使原任甘肅布政使○己亥諭內閣貴州提督哈

元生朕另有簡用之處著馳驛來京陛見並賞給公用銀三千兩製備衣裝貴州將弁內有伊平日所深知之幹員准揀選四五人令其隨後來京亦著巡撫給與驛馬並酌量每人賞給銀兩以資路費○庚子召王國棟回京以程元章兼管浙江巡撫事○加蔣洞侍郎銜往肅州辦理軍營事務以溫而遜署山西布政使由按察使署○辛丑諭辦理軍機大臣等據靖邊大將軍順承親王錫保奏稱七月十四日賊眾來侵烏孫珠爾處傳爾丹等接戰數次敗賊前隊及賊兵後隊全至盡力衝突我師失利還歸大營等語烏孫珠爾處傳爾丹領兵萬餘既已被賊前隊則後隊自應敗去如何我師遂被衝散回營用兵失機罪在不赦去歲傳爾丹冒昧進剿損傷官兵迨回科布多時尙能整頓軍旅邀截賊眾是以特恩寬免其罪理應竭力報效冀雪前恥何以又復愼事儻因賊眾我實恐有疏失相機回營尙屬可原若係輕躁懦弱以致失機卽應革職嚴加議處或官兵內有見敵先潰者卽應正法示眾著大將軍順承親王秉公詳查據實陳奏○甲辰移直隸天津府鹽捕通判駐青州分司所屬之越支場裁滄州分司所屬之利民阜民利國富民海盈阜財六場鹽大使缺其竈戶歸各該州縣管轄○乙巳諭辦理軍機大臣等國家重務在於用兵凡領兵大員有表率之職者必合志同心聯爲一體屏矚域之見去推諉之私始能奮勇直前以濟公事焉有各懷疑貳互相推卸尙能壯三軍之氣而成克敵之功乎劉世明武格伊禮布等志氣頗憤懼怨望之心而劉世明與武格又復彼此推諉將一營軍務視爲兩歧伊等俱係國家重用之大臣而居心行事如此無怪乎將弁兵丁等相率效尤怠惰偷安無振作同仇之氣也似此深負簡任全不思國家不得已而用兵之苦心著嚴切傳諭劉世明武格伊禮布知之○大學士蔣廷錫卒遺疏聞得旨大學士蔣廷錫受 皇考聖祖仁皇帝知遇之恩簡直內廷教誨玉成二十餘載自朕卽位由學士升授侍郎旋擢尚書簡命爲大學士蔣廷錫才識優長經猷明練其總領度支則謹慎出納釐剔弊端其參贊軍務則恪敬小心周詳慎密綸扉重地倚賴方殷上年忽患疾證特遣良醫調理漸次獲痊今夏舊恙舉發較前加劇朕心憂慮切諭太醫竭力調治每日病狀著兩次奏聞方期夙疾有瘳豈料溘焉長逝朕心傷悼輟朝一日其所用棺殮之屬皆頒自內府已命內大臣率領侍衛賜奠茶酒應得卹典著察例具奏柩輓回籍時再著散秩大臣帶領侍衛前往奠酒送其起程戶部滿漢堂司官亦著往送沿途文武官弁在二十里以內者俱著至柩前弔奠並遣人護送○丙午增廣西馬平縣屬三都汛穿山鎮巡檢各一○丁未諭內閣侍郎杭奕祿著由西安前赴甯夏等候大學士鄂爾泰有面傳之旨其西安所辦軍需事件著內閣學士德齡協同左都御史史貽直辦理○山東巡撫岳濬奏曲阜縣六月二十五日午時皎日正中慶雲環捧日輪五色絢爛又於日之西南有霞光三道歷午未二時綢繆不散正值 孔林工竣之時上瑞疊臻千秋罕遇得旨朕素不言祥瑞惟有朝乾夕惕感 上天垂象示儆之恩何敢冀嘉祥之疊錫已屢降諭旨訓教天下臣民但自信生平尊師重道出於至誠闕里爲 聖人之鄉尤切羹牆之慕前歲 文廟重新慶雲湧見今園林工竣復覩嘉祥或者朕誠敬之衷爲神明之所歆格故顯示以象用昭日監在茲之義與朕感慶之下倍增虔悚爰諭天下臣民共知之○己酉諭內閣據湖南巡撫趙宏恩奏南嶽爲朕主

壽之山廟宇碑亭宜加重葺朕思皇天無親惟德是輔朕受天養命爲天下主一行事一舉念皆上天皇考之所照臨若身無失德自蒙垂慈護佑儻德行有虧居心行事獲罪於天下億萬臣民豈能代朕祈禱而寬其譴責乎朕御極以來無日不以此訓示天下臣民凡有奏請建壇誦經爲朕祝釐延壽者悉嚴諭禁止至於山嶽江河之神爲地方捍患禦災賜福兆庶者則虔修祠廟潔誠展祀以申報享之忱並非爲朕一身祈福也上天皇考實鑒此衷南嶽之神佑我楚民廟貌久未修理應照該撫所請敬謹舉行惟是趙宏恩陳奏之詞識見鄙陋不知朕心用頒此旨再行宣諭俾眾共知之○以左都御史福敏協理大學士○以鄂善署兵部侍郎出外辦事○辛亥增山西繁峙縣平刑站大同縣聚樂站驛丞各一○癸丑以唐執玉兼理刑部尚書事○甲寅諭內閣向來大計參劾官員除貪酷發審外其餘俱送部引見嗣後時參文武官員比照大計之例列在浮躁不及等款亦著送部引見永善爲例

八月乙卯朔以戴永椿署山西按察使史書○靖邊大將軍順承親王錫保奏目今準噶爾賊人前赴危得爾河河源地方臣等偵探已確酌議於奔博圖山嶺發兵堵截共派滿洲蒙古兵一萬八千名令王丹津多爾濟總統額駙策凌王羅卜藏喇錫桑里達貝子

特古斯羅卜藏公羅卜藏參贊查克旦塔爾岱阿岱前鋒統領塔爾馬善副都御史阿成阿副都統阿那布胡習禮額爾勤烏察拉王常哲庫訥阿思哈布爾沙貝勒僧滾扎卜公羅卜藏策布登沙津達賴等分派督率於七月二十一起程報聞○丙辰諭宗人府海善從前甚屬狂妄近已改著加恩賞貝勒原銜○免雲南昭通東川二府雍正九年分未完額賦以八年被兵瘡痍未復也

○丁巳改廣西右江道原轄之鎮安府歸左江道轄南甯府原轄之胡潤寨及下雷土州俱歸鎮安府轄○庚申禮部議准順天學政吳應棻奏順天府童生考試舊例除大宛二縣屬府丞專理外其餘二十三州縣於州縣考試後俱由霸昌道錄取轉送查霸昌

道駐紮昌平州各州縣有往返八九百里或六七百里者殊屬未便嗣後請就近改歸四路同知各按所屬州縣錄取轉送永著爲例從之○壬戌諭內閣向來偷竊人獲之犯若係滿洲蒙古則發往江南荆州有滿洲兵駐防之省城當差若係漢軍漢人則發往

廣東廣西雲貴煙瘴地方當差近聞發遣廣東人犯例在崖州陵水等處此地水土最惡易染疾病每多傷損朕思此等不良之輩雖肇由自作然其情罪較之盜犯尙覺稍輕即發遣之本意亦欲全其性命也今因水土不服以致傷生殊可憫惻若將此等人犯

改發沿海一帶衛所入伍充軍俾得保全軀命似亦法外之仁著廣東督撫會同按察司確查議奏其雲貴廣西等處地方風土有與此相類者亦著該督撫將如何改發之處妥議具奏○兵部議准河東總督田文鏡奏登州鎮新添兵一千名其中右二營請添

設千總一把總一外委三以資約束從之○西路副將軍張廣泗等奏臣等自巴爾庫爾起程七月十一日直抵穆壘窺見穆壘地處兩山之間築城其中形同釜底又兩山蔓延叢雜受敵最易據守甚難實非屯兵進取之地查巴爾庫爾地處平原南北兩山南

山縣巨數千里直至伊犁北山漸折而西南至閩舍圖與南山鎮合實爲巴爾布爾之關鍵再西烏蘭烏蘇口則北山已斷南山之